



Todos os 8 de marzo, Día Internacional da Muller, vimos desenvolvendo diferentes actividades de concienciación e sensibilización no eido da igualdade de xénero.

O Maratón fotográfico é unha destas actividades. A fotografía poder ser un instrumento de reflexión sobre as desigualdades de xénero, por iso, esta actividade, pretende a través da observación e a creatividade, favorecer a visibilización destas desigualdades e provocar cambios de actitude en toda a sociedade.

Para que estes cambios se produzan é necesaria a implicación de toda a cidadanía. Por iso, dende a Área de Igualdade- CIM invitamos a participar a todas aquelas persoas que disfruten coa fotografía e que queiran facer a súa aportación a dito cambio.

O Maratón levarase a cabo o sábado 5 de marzo, dentro dos límites xeográficos do Concello de Vilagarcía segundo as presentes bases.

+ Info

Área de Igualdade - CIM
Praza de Ravella, 1 - baixo
986 099 200 ext 102/103/109
muller@vilagarcia.gal
www.vilagarcia.gal

8M

DÍA INTERNACIONAL
DA MULLER



BASES MARATÓN FOTOGRAFICO

A IGUALDADE DE XÉNERO



SÁB 5 MARZO'22
[10.00-23.59H]

Comezo:
Ás 10.00h, no Auditorio Mpal.
Prazo de inscrición:
Ata o 3 de marzo de 2022.
Período de entrega das fotos:
Das 19.00 ás 23.59h.

REQUISITOS DOS PARTICIPANTES:

Ser afeccionado á fotografía. Non poderán participar profesionais.

TEMÁTICA:

A IGUALDADE DE XÉNERO. Este tema concretarase en tres propostas, que se entregarán ao inicio do Maratón.

INSCRICIÓN:

A inscrición realizarase por medio de solicitude, enviándoa por correo electrónico a maraton.muller@vilagarcia.gal. A folia estará dispoñible, xunto coas bases, en www.vilagarcia.gal. Tamén se poderá facer efectiva a inscrición a través de sede.vilagarcia.gal, cos certificados electrónicos oficiais, a través do formulario 01001 Solicitude xenérica. No caso da participación de menores de idade, deberá anexarse copia do DNI do pai, nai ou do representante legal. O prazo de inscrición comezará o día de publicación destas bases e estará aberto ata o **3 de marzo**.

DESENVOLVEMENTO DA MARATÓN:

COMEZO: Ás 10,00 horas do sábado 5 de marzo, no Auditorio Municipal, terá lugar a recepción de todas as persoas participantes, e levarase a cabo a asignación dos números de identificación, que deberán conservarse ao longo de todo o concurso. Nese intre, elixiranse os tres temas obxecto das fotografías entre varios sobres pechados con distintas propostas.

CONTROIS: Ademais da recepción inicial, haberá un control ao que todas as persoas participantes, espaciadas en intervalos de 15 minutos segundo determine a organización, deberanse presentar. Este control terá lugar entre as 13.30 e as 14.30 horas, no CAD Gato Negro de Carril. Tanto na presentación inicial coma no control, responderanse todas as dúbidas que puideran xurdir con respecto ás bases e ao desenvolvemento.

RECOLLIDA DAS FOTOS E FINAL DO MARATÓN: Dende as 19.00h e ata as 23.59h dese mesmo día, as persoas participantes enviarán as fotografías coas que queren concursar en arquivos adxuntos ao enderezo electrónico maraton.muller@vilagarcia.gal. As fotografías deberán ser unha por cada un dos tres temas elixidos, enmarcadas todas no tema da igualdade de xénero. Cada fotografía nomearase co tema e o título. No asunto do correo electrónico aparecerá: MF e o número identificativo asignado a cada participante. No corpo do correo reflectirase soamente o número identificativo e, a continuación, o tema seguido do título completo de cada unha das fotografías. En arquivos anexos enviaranse as obras identificadas co tema e título.

NORMAS RESPECTO ÁS FOTOGRAFÍAS:

As fotos entregaranse en arquivo JPEG. Poderán ser en color e/ou en b/n. O tamaño mínimo será de 20x30 cm. Non poderán incluír bordos, marcas de auga, sinaturas ou elementos similares. Permítese o uso de axustes dixitais mínimos (luminosidade, contraste, balance de brancos...). Non se poderán engadir ou eliminar elementos que modifiquen a composición orixinal. A organización reservarase a posibilidade de esixir a presentación do arquivo orixinal (raw, tiff, jpg...) para comprobar a edición presentada a concurso. É responsabilidade das persoas

concurantes que non existan dereitos de terceiros sobre as obras. Para corroborar que foron realizadas no día, comprobaranse os datos EXIF das mesmas, polo que é conveniente revisar a configuración das datas dos dispositivos que se utilicen.

NORMAS DA MARATÓN:

Poderán participar os/as inscritos/as na Área de Igualdade, segundo as normas destas bases. Todas as fotografías deberán ser realizadas dende a extracción dos temas e ao longo do día nos límites xeográficos de Vilagarcía. Serán descualificadas aquelas persoas que non se presenten á recepción inicial e ao control no lugar e hora indicados, así como quen incumpra algunha norma reflectida nestas bases ou presente as instantánea fóra do horario establecido. Presentarase unha foto co seu título por cada unha das tres propostas elixidas, podendo quedar algún tema sen presentar. Cada instantánea, xunto co seu título e o tema no que se encadra, forman un todo que se valorará conxuntamente dentro da temática xeral da igualdade de xénero. As obras presentadas quedarán en propiedade do Concello de Vilagarcía. O/a autor/a conservará a propiedade intelectual, pero cederá en exclusiva e irrevogablemente os dereitos de reprodución para a súa exposición, publicación ou calquera modalidade que o Concello considere oportuna. Durante o transcurso da actividade, haberá un comité organizador facultado para resolver as dúbidas ou circunstancias especiais que puideran xurdir, así como para a interpretación destas bases. A súa decisión terá carácter definitivo. Con tal finalidade, facilitarase un teléfono de contacto a través do cal resolver calquera dúbida que poida xurdir.

PREMIOS:

Haberá tres premios, un por cada un dos temas propostos e terán unha contía individual de 200,00 euros. Aos mesmos se lles aplicará a lexislación vixente respecto das retencións fiscais.

XURADO:

Será o encargado de seleccionar e valorar as fotografías. Estará composto por: Pta: Concelleira da Área, Tania García Sanmartín; Vogais: tres persoas relacionadas co mundo da fotografía, da imaxe, medios de comunicación... e unha do Consello Local da Muller; Secretaria/o: persoal técnico, con voz pero sen voto, encargado de levantar a acta da deliberación do premio. A decisión do xurado será inapelable.

ENTREGA DE PREMIOS E EXPOSICIÓN:

O veredicto do xurado e a entrega de premios darase a coñecer o **1 de abril**. Ese mesmo día inugarase a exposición de todas as fotografías, destacando as premiadas e seleccionadas polo xurado polo seu interese e creatividade. A exposición poderase visitar na sala de Exposicións do Auditorio durante todo o mes de abril. Haberá tamén unha mostra virtual a través das redes do Concello. A participación no Maratón implica a plena aceptación destas bases.

Aclaración de dúbidas: Área de Igualdade - CIM

T 986 099 200 ext. 102/103/109. Horario: 08.00-15.00h

Praza de Ravella, nº1, 36600 - Vilagarcía de Arousa - Pontevedra
muller@vilagarcia.gal / sede.vilagarcia.gal